

ԳՐԹԼՈՍՈՍՈՒԹՅՈՒՆ ԵՎ ԳՆՆԱԴԱՏՈՒԹՅՈՒՆ

ՆՈՐ ԳԻՐՔ ՍՈՎԵՏԱԿԱՆ ՀԱՅԱՍՏԱՆԻ ՄԱՍԻՆ

Աշխարհագրական գրականության պետական հրատարակչությունը ռուսերեն լեզվով լույս է ընծայել «Հայկական ՍՍՌ» գիրքը, որը ռուս ընթերցողին ծանոթացնում է Սովետական Հայաստանի բնությանն ու ժողովրդական տնտեսությանը: Աշխատությունը գրել է Հայկական ՍՍՌ Գիտությունների ակադեմիայի էկոնոմիկայի ինստիտուտի և ՍՍՌԳ Գիտությունների ակադեմիայի Աշխարհագրության ինստիտուտի գիտական աշխատողների կուլեկտիվը:

Աշխատության սկզբում տրվում է Հայկական ՍՍՌ բնական պայմանների համառոտ նկարագրությունը: Գրքի այս գլխից, որ գրել է Ա. Բ. Բաղդասարյանը, ընթերցողը կարող է ընդհանուր գաղափար կազմել Սովետական Հայաստանի ռելյեֆի, գեոլոգիական կառուցվածքի, օգտակար հանածոների, հանքային ջրերի, կլիմայի, հիդրոգրաֆիայի, հողի, բուսական և կենդանական աշխարհի մասին:

Գրքի երկրորդ գլուխը ներկայացնում է համառոտ ակնարկ հայ ժողովրդի պատմության: Նրա հեղինակները՝ ընկ. ընկ. Ա. Մարուխյանը և Ե. Սարկիսովը համառոտակի կանգ են առնում հայ ժողովրդի ձևավորման պրոցեսի, նրա պատմության հիմնական էտապների վրա: Նրանք ցույց են տալիս Արևելյան Հայաստանը Ռուսաստանին միացնելու պրոգրեսիվ մեծ նշանակությունը: Գրքում ընդգծվում է, որ հայ ժողովրդի ազատագրման սկիզբը դրեց Հոկտեմբերյան սոցիալիստական Մեծ ռևոլյուցիան, որը աշխարհի ժողովուրդներին ցույց տվեց կապիտալիզմի լծից ազատագրվելու ուղին և նոր դարաշրջան բացեց համաշխարհային պատմության մեջ: Հայաստանի աշխատավորությունը Սովետական Ռուսաստանի և նրա հերոսական Կարմիր Բանակի օգնությամբ մեկընդմիջտ տապալեց հայ ժողովրդի ոխերիմ թշնամիներ, անգլո-ամերիկյան իմպերիալիստների գործակալներ՝ դաշնակների արյունարբու տիրապետությունը և հաստատեց Սովետական իշխանություն: Սովետական իշխանության հաստատմամբ հայ ժողովուրդը վերածնվեց ու բարգավաճեց, ստեղծեց ու զարգացրեց իր սոցիալիստական էկոնոմիկան և կուլտուրան:

Աշխատության «Բնակչությունը և կուլտուրան» գլխում, որի հեղինակն է ընկ. Գ. Քոչարյանը, լուսաբանվում է բնակչության տեղաբաշխման, նրա շարժման, խտության և տարաբնակեցման պրոցեսը, քաղաքների ծագումը, կապակցված՝ հասարակության արտադրական գործունեության բնույթի հետ: Այստեղ տրվում է նաև հայ կուլտուրայի պատմության համառոտ ուրվագիծը սկզբից մինչև մեր օրերը: Հեղինակը արդարացիորեն ընդգծում է, որ Արևելյան Հայաստանի միացումը Ռուսաստանին ստեղծեց բարենպաստ պայմաններ հայ ժողովրդի համար: Հայ ժողովրդի կուլտուրան իր իսկական վերածնունդն ու ծաղկումը ապրեց միայն սովետական սոցիալիստական հասարակարգում լենինյան ազգային քաղաքականության անշեղ կենսագործման շնորհիվ:

«Ժողովրդական տնտեսության ընդհանուր բնութագրությունը» գլխում, որի հեղինակներն են՝ ընկ. ընկ. Գ. Ալահվերդյանը և Ս. Խրիմյանը, բազմակողմանիորեն լուսաբանվում են Սովետական Հայաստանի վիթխարի նվաճումները ժողովրդական տնտեսության զարգացման ասպարեզում: Այստեղ ցույց է տրվում, թե ինչպես գաղութային հետամնաց ծայրամասից Հայաստանը լենինյան ազգային քաղաքականության շնորհիվ Սովետական իշխանության տարիներին վերածվեց ինդուստրիալ երկրամասի, իր զարգացած արդյունաբերությամբ և սոցիալիստական մեքենայացված գյուղատնտեսությամբ: Աշխատության հեղինակները փաստական հարուստ տվյալների հիման վրա ցույց են տալիս այն վիթխարի նվաճումները, որ ձեռք է բերել ռեսուրսների արդյունաբերության զարգացման ասպարեզում: Սովետական իշխանության տարիներին Հայաստանում ստեղծվեց ժողովրդական տնտեսության էներգետիկ ամուր բազա, կատարվեց վիթխարի առաջընթաց էլեկտրիֆիկացման բնագավառում: Խոշոր տեմպերով զարկ տրվեց

պղնձի արդյունաբերությանը, ստեղծվեց ալյումինի արտադրություն, քիմիական արդյունաբերություն, որը հանդիսանում է ծանր արդյունաբերության առաջատար ճյուղերից մեկը: Հայրենական պատերազմի տարիներին և ետպատերազմյան շրջանում Հայկական ՍՍՌ-ն դարձավ միութենական նշանակություն ունեցող մեքենաշինության տեղաբաշխման շրջաններից մեկը: Հայաստանում արդյունաբերության այդ ճյուղի հիմնական ուղղությունը կազմում է էներգետիկ մեքենաշինությունը և էլեկտրատեխնիկական արդյունաբերությունը: Գրքում բերված են փաստական հարուստ տվյալներ ռեսպուբլիկայում շինանյութերի, թեթև, սնդի և տեքստիլ արդյունաբերության զարգացման վերաբերյալ:

Աշխատության հեղինակները բազմակողմանիորեն լուսարանում են Սովետական իշխանության տարիներին գյուղատնտեսության սոցիալիստական վերակառուցման հիման վրա ձեռք բերված նվաճումները: Հայաստանի կուլտնտեսությունները ներկայումս միավորում են գյուղացիական տնտեսությունների 99,9 և ցանքատարածությունների 99,9 տոկոսը: Գրքում փաստական նյութերի հիման վրա ցույց է տրվում գյուղատնտեսության էլեկտրիֆիկացման, արհեստական ոռոգման սիստեմի ստեղծման, հացահատիկային տնտեսության, խաղողագործություն, ու բանջարաբուծության, այգեգործության ու տեխնիկական կուլտուրաների, անասնապահության զարգացման ասպարեզում ձեռք բերված հաջողությունները:

Գրքում ցույց են տրվում նաև տրանսպորտի զարգացման ասպարեզում եղած նվաճումները:

Աշխատությունը ավարտվում է «Տնտեսական շրջանները» գլխով, որի հեղինակներն են՝ ընկ. ընկ. Մ. Բուլանովսկին, Գ. Ալահվերդյանը, Մ. Շահբազյանը և Ա. Բաղալյանը: Աշխատության հեղինակները ելնելով բնության և տնտեսական զարգացման առանձնահատկություններից, ինչպես և հաշվի առնելով տարբեր բնակավայրերի հետագա հեռանկարները, Հայաստանի տերիտորիան բաժանել են ութ տնտեսական շրջանների՝ Կենտրոնական, Սևանի ավազան, Շիրակ, Լոռի-Փամբակ, Լոռի, Հյուսիս-Արևելյան, Դարալագյազ և Զանգեզուր: Աշխատության հեղինակները տալիս են համառոտ տեղեկություններ այդ շրջաններից յուրաքանչյուրի արդյունաբերության և գյուղատնտեսության, ինչպես նաև նրա բնական պայմանների, բնակչության, քաղաքների ու այլ խոշոր բնակելի կետերի մասին: Գրքում ցույց է տրվում, որ այդ տնտեսական շրջանները, որոնք արտացոլում են ռեսպուբլիկայի տնտեսության զարգացման բարդ պրոցեսները և գտնվում են ձևավորման տարբեր փուլերում, զգալիորեն տարբերվում են մեկը մյուսից ինչպես իրենց տնտեսության ուղղությամբ և մասնագիտացման աստիճանով, այնպես էլ ռեսպուբլիկայի էկոնոմիկայում իրենց նշանակությամբ:

Սովետական Հայաստանին մոտիկից ծանոթանալուն մեծ չափով նպաստում են գրքում գետեղված բազմաթիվ քարտեզները, նվիրված ռեսպուբլիկայի ինչպես ֆիզիկական աշխարհագրությանը, այնպես էլ արդյունաբերության գյուղատնտեսության տարբեր ճյուղերի տեղաբաշխմանը: Գրքում գետեղված են նաև մեծ թվով իլյուստրացիաներ, որոնք արտացոլում են ռեսպուբլիկայի ինչպես բնական պայմանները, այնպես էլ արդյունաբերական, գյուղատնտեսական աշխատանքի պրոցեսները, քաղաքային շինարարությունը: Գրախոսվող դիրքը գերծ չէ նաև թերություններից: Այսպես օրինակ, շատ աննշան տեղ է հատկացված սովետահայ կուլտուրայի լուսարանությանը: Մինչդեռ անհրաժեշտ էր ոռուս ընթերցողին բազմակողմանիորեն ծանոթացնել այն վիթխարի նվաճումներին, որ ձեռք է բերել հայ ժողովուրդը Սովետական իշխանության տարիներին գիտության և լուսավորության, գրականության և արվեստի զարգացման բնագավառում:

Սակայն չնայած դրան Հայկական ՍՍՌ Գիտությունների ակադեմիայի էկոնոմիկայի ինստիտուտը և ՍՍՌՄ Գիտությունների ակադեմիայի Աշխարհագրության ինստիտուտը կատարել են շնորհակալ աշխատանք հրապարակելով «Հայկական ՍՍՌ» աշխատությունը և ոռուս ընթերցողին ծանոթացնելով Սովետական Հայաստանի բնությանն ու էկոնոմիկային: